

丁文誠公奏稿

丁文誠公奏稿

卷之三目錄

擒逆竄過濰河調軍追勦摺

同治六年七月二十三

勦辦回竄梟匪片

同日

擒竄莒沂分路追勦摺

同治六年七月二十九日

請飭李鴻章統籌全局片

同日

擒竄江境暫駐沂州並北路勦匪摺

同治六年八月初四日

擒竄邳宿移軍防勦摺

同治六年八月十一日

拏獲濟陽臨邑匪首請獎摺

同治六年八月十一日

利津海口現難疏濬片

同日

暫駐沂州分兵布紮摺

同治六年八月十九日

捻竄郟城經勦折竄江境駐沂扼擊摺同治六年九月初一日

督師大臣倒置是非請派重臣查辦摺同治六年

九月初三日

沂匪就擒地方肅清摺同治六年九月初七日

捻股西竄派兵截擊摺同治六年九月十四日

捻撲蘭陵迎勦獲勝並派軍截擊摺同治六年九月二十日

擊散竄東直匪片同日

捻股北竄繞出泰安迎截摺同治六年九月二十七日

鄉試展至下屆併科舉行摺同治六年十月初三日

捻竄省垣督師扼勦摺同治六年十月初七日

擒逆竄過濰河調軍追勦摺

同治六年七月二十三

奏爲擒逆由北路偷撲濰河全股回竄

臣現據調防軍急

馳追勦恭摺仰祈

聖鑒事竊

臣

於本月二十日已將南路膠萊河牆一律築

竣派軍協守濰西並籌軍先行渡河進勦等情馳報在案

正在籌畫進勦間忽於二十二日卯刻接准提督劉銘傳

函稱二十日五鼓擒逆偷撲濰河全股西竄擬卽整隊進

勦等因復接據道員王成謙稟稱二十日卯刻賊全股均

抵海神廟以北土嶺屯聚距已革總兵王心安所分地段

十餘里外馬賊撲竄河南王心安因該處無兵無牆不能

聽其徑竄卽督帶四營馳往迎擊斃賊千餘名而該逆馬

步數萬拚死搶撲勢如潮湧王心安極力拒戰復斃多賊該逆又於沿河上下十餘里分股猛撲王心安猶揮兵死戰陣亡營官胡祖勝一員哨弁七八名勇丁六七百名斃賊亦數百名奈兵祇四營廩戰良久眾寡懸殊無從扼擊王成謙於巳刻接到王心安之信惟時常武軍步隊均分布河牆河東均有賊馬游弋未便撤退該道卽督帶親軍礮隊四百名馬隊二百五十名並會同鼎軍馬隊一營前往策應甫出營門卽見大股馬賊由東北沿牆直撲潮海集而來當卽督親軍接仗炸礮洋槍更相轟擊步賊繼至該軍奮擊賊始由西南數里外竄去計斃賊目數名步騎賊數百名我軍傷亡亦數十名鼎營馬隊亦有傷亡常武

軍守牆各營得信後卽徑下牆守營賊股撲犯均經擊退
該道當卽調齊隊伍跟蹤追勦等情前來臣聞信之下不
勝憤懣查北路河防初議歸東軍駐守六月十四日臣在
高密朱陽集接准藩司潘鼎新來函該軍與劉銘傳業已
議定認守北路請臣卽折回膠州布防一切潘鼎新又以
海倉口沙灘數十里不堪設守折繞平地三十餘里南接
膠萊河北接濰河以鼎軍十營守之繼又以濰河西岸空
虛無兵初次來函欲臣酌派數營協助臣原帶追勦之兵
僅有十營以之分布柳林口至吳家口八十餘里萬無可
撥嗣前敵各營調回卽派王心安督帶四營馳赴濰西潘
鼎新以鼎軍二營會合扼守繼又以兵少地長函商東軍

再行分撥五六營以厚兵力臣時又添防柳林南二十餘里吳家口以北至劉家莊十六七里兵力難分至本月十一日淮軍開宇營到膠臣遂令王成謙騰出常武十營於十二日與開軍換防卽飭於十三日拔隊協助濰西原議抽回王心安四營以備勦擊之用臣以駐防南路距北路二百數十里迭據潘鼎新來函增兵正深疑慮卽囑王成謙於到防後確查北路情形詳稟查覈該道於十五日晚行抵濰東十六日會同王心安丈量海口潘鼎新因病未能乘騎不及同往昨據該道稟稱自石灣口起量至北海口止共計實有九十餘里均應通築長牆方能扼守與潘鼎新初次履勘之時情形較異需兵尙多該道知臣無兵

可分始稟報李鴻章速行添兵布守維時賊蹤相距新安莊祇三十里火光不絕該道以勢處偪迫不得不力顧大局以常武八營接守王心安所紮新安莊汛地三十里又勻出二營由新安莊以北紮至下營扼守自下營以上北海口三十餘里均係無兵無牆而魚里鋪海神廟二處尤爲淺狹潘鼎新與王成謙又議留王心安四營前往暫守飛稟到臣臣飛飭王心安速行移紮該處於十八日換防前往十九日始到二十一日接據王心安飛稟以該處海神廟以北尙有二十餘里應守之處無兵無牆現在賊勢已十分逼近恐被竄越臣以所部三十一營除抽調十四營協助灘西外南路八十餘里僅十七營布防已極單薄

北路空虛更無他營可撥臣前迭催李鴻章請迅調各軍前來該大臣輒以鄂軍未到爲辭躊躇緩發久深焦急竊自賊犯東境臣督師緊追不令停喘幸各州縣圩寨均尙保全自六月十六日回駐膠州會合各軍分築膠萊河牆並調回前敵各軍一律布守竭力經營實爲大局所牽冀就蹙賊海隅之議自前月十七日河牆開工該逆卽在南路窺伺二十餘日幸未竄越本月十五日該逆又窺伺北路十六日經豫軍擊退竊冀防局可就詎意濰西一路臣始終添至十四營盡力協助尙屬不敷分布以至空虛之地被賊竄越月餘之功隳於一旦焦憤填胸臣刻已撤調南路防軍擬取道高密安邱親爲督迫如賊南竄沂莒則

軍至安邱即可南向諸城進勦如賊由昌邑濰縣仍向原
路回竄臣當由青州馳赴長山章邱扼擊至萊蕪青石關
一路山徑較險該逆如由此西竄軍自青州進勦尙近至
此次力戰陣亡之營哨員弁勇丁客臣查明彙案請卹茲
謹將捻逆偷過濰西迅撤防軍進勦情形恭摺由驛具奏
伏乞

皇太后

皇上聖鑒訓示謹

奏

勦辦回竄梟匪片

同治六年七月二十三日

再北路梟匪臣前經嚴飭龔易圖督率各營分路扼紮確探如賊蹤回竄較近卽行出境勦辦一面嚴飭各州縣查拏內匪以杜勾結茲於本月二十一日迭據龔易圖等稟稱匪衆突於十三日回竄至直隸威曲交界之河北寨地方當飭各軍扼勦並遣探濶入匪內探悉該匪定於五更時偷劫官營參將黃兆昇等得信卽飛調分駐馬頭村之東昌精捷兩營馬步會合一面整飭隊伍暗移營外東北三四里許排隊埋伏留馬隊四十名在營駐守候匪衆來撲卽行掩殺正布置間匪衆已全股撲至營前齊聲吶喊所留馬隊當時出營格鬪誘敵該匪見我軍少四面包抄

該馬隊且戰且行漸歸大隊參將黃兆昇知縣耿光祐等密飭隊伍排列槍礮嚴整以待該匪忽見大隊仍敢吶喊齊進約有馬賊四五百名向前衝突勢甚兇悍我軍俟其將近連放連環槍礮轟斃首先騎賊十數名餘匪中傷數十人立時敗退各軍乘勢追殺適東昌營守備楊廷秀精捷營守備王萃帶領馬步均由馬頭村趕到彼時天色微明各員弁合軍急追至玉堂村左近該匪逸入村中適馬映奎帶勇百名由館陶趕至卽俟隊圍繞該村馬步奮力齊進四面痛勦殺斃悍匪二百數十人奪獲賊馬五十六匹刀矛槍械一百七十八件餘匪受傷甚眾當時紛紛逃散僅有馬賊五六十名拚死奪路奔逸我軍合隊直追遙

見該匪敗衆四路湊集不及二百均飛馬向南狂奔該員弁等揮軍緊追探知南面尖塚地方係屬衛河渡口恐其搶渡當合各隊繞向東面南追抵王莊地方該匪果折回東南奔竄正在王莊飲馬一見兵到立折向西南飛奔各軍極力追逐復斬獲後股餘匪十數人其餘匪衆搶命奔逃彼時天色已晚我軍連追帶戰盡一日之久人馬均不及食當進向尖塚覓食暫爲歇息共計受傷兵勇數名陣亡六名容俟查明請卹現探該匪向西南張官寨一帶奔竄各軍定於四更仍行拔隊進勦等語查此股匪衆經此次大加懲創人數無多正宜乘此兵氣正壯一氣殄除臣現飛飭龔易圖等迅督各軍乘勝擊勦務期殲滅不准稍

涉鬆勁如直軍能卽時趕到會合夾擊更可收蕩除之功
所有勦辦回竄梟匪獲勝餘衆敗竄無多現飭速勦各情
形理合附片具陳伏乞

聖鑒訓示謹

奏

擒竄莒沂分路追勦摺

同治六年七月二十九日

奏爲擒逆撲過濰西由昌濰奔竄莒沂一路勢趨青口臣
現督各軍分路追勦恭摺仰祈

聖鑒事竊

臣

於二十三日將擒逆全股由北路撲過濰西

王心安等軍力戰並檄調南路防營進勦各情形馳報在
案拜摺後適總兵楊飛熊副將王正起暨東治四營各軍
均已由防抵膠當卽於是日卯刻親督前進行抵高密一
面飛飭管帶常武營道員王成謙由濰縣向青州一路跟
追迭據探報該逆由濰縣分股一竄安邱一竄昌樂臨朐
均向西南奔竄等語是夜丑刻復據探報賊之馬隊於二
十三日午刻竄踞安邱高密所屬之景芝鎮一帶距

臣軍

七十餘里隨卽令楊飛熊等迅速齊隊於二十四日卯刻親督前往迎勦詎行出高密四十里之金溝地方適值大雨祇得暫住二十五日卯刻臣督軍昌雨前進至三子莊地方距景芝十五里河水盛漲不能徒涉該處又無船隻正擬紮筏濟渡探報該逆已由景芝西南全數均竄向雹泉莒州一路勢甚飄忽等語臣以賊旣他竄若再渡河徑由安邱進勦已落賊後且相去愈遠更難追及當由呈子莊改由諸城徑趨莒州冀可迎擊二十八日巳刻馳抵莒州接據道員王成謙稟報賊於二十五日巳竄過穆陵關二十六日該道督軍跟追過關賊俱竄西南沂水一路二十七該道趕至沂水賊又竄往東南似撲青口一帶而

去現仍督軍向東南緊躡其竄莒州一股據莒州知州陳兆發面稟賊於二十六日未刻竄距州城之正西西北西南各處二十七日馬賊二三千人撲近城關適由膠防撤回之徐州鎮總兵董鳳高帶兵過州適駐南關出隊迎擊城上亦施放大礮賊遂漸向西南一帶竄去現據探報該逆已竄距州城九十里之馬奇山一帶亦係往青口之道各等語查賊此次撲過濰西臣駐防南路相距過遠比及得信賊竄已逾二日迨飛檄各軍行抵高密賊已竄過安邱正思催軍疾馳迎前一擊而該逆一聞兵到全數南竄又值大雨水發軍行節節阻滯及臣改由諸城至莒賊已竄過一日刻下賊蹤相去將近百里臣現飛飭道員王成

謙督飭常武各營由沂水緊跟前進臣親督王正起等軍
擬走沂州府一路扼紮該逆若徑奔青口恐不過數日仍
將回竄東境臣軍卽可攔頭痛勦設該逆不果奔青口臣
在沂州亦可乘其西竄盡力截擊臣惟有督飭各軍探賊
所向設法力勦以殄寇氛斷不敢稍涉怠玩除俟追勦接
仗再行馳報外所有賊現竄莒沂勢趨青口及臣督軍分
道跟追截勦各情形理合由驛具奏伏乞

皇太后

皇上聖鑒訓示謹

奏

請飭李鴻章統籌全局片

同治六年七月二十九日

再督臣李鴻章創扼守膠河之議實爲勦辦流寇善策臣

於六月初五日始接該大臣來函當允以十一營助守並卽日由平度移軍膠州扼賊南竄之路嗣賊亦向東擾竄臣以機有可圖遂與提督劉銘傳等分段築牆李鴻章又迭次囑臣暫緩窮追將前敵各軍調回協防俟膠防辦定後撤運防之兵替接出勦臣亦慮該逆被迫免脫並卽調回前敵一律布守又幸各軍漸到兵力漸足該逆兩次猛撲均經官軍擊退防局漸有起色惟時疊奉

諭旨嚴催李鴻章親臨前敵臣亦迭次函商請其迅發各軍陸續前來並請其進駐膠州督飭諸軍以速事機且言

凡遇諸事該大臣一到一札可了者臣與劉銘傳等往復函商十餘日尙不能了深恐貽誤言之非不剴切蓋膠河之防已就八九灘西一路空虛三四十里之地即使後路各軍不能即到若李鴻章早在前敵但飭各省防軍每營勻紮六七十丈灘西空虛之地便可填滿該大臣仍以鄂軍未到躊躇緩發事機坐失悔何可追且運河防軍本爲蹙賊海隅而設膠萊一路當各軍未到河牆未立之時辦理毫無把握則膠防輕而運防重及膠防已就八九自應急赴機會以竟全功豈容牽顧運防致昧當急之務今該逆已出牢籠若仍欲四面困逼再圖後舉則任逆雖愚決無再入膠萊之理若謂棄運東以資賊惟相與馳騁角逐

以圖後效則東蘇十府州之地關係至重又非十餘州縣可比豈容輕以嘗試且該逆南迫運岸必北突黃河李鴻章但籌運防未籌黃防其意以黃河天險無庸深慮然黃河毗連直東曲折幾及千里夏秋水漲自可無憂使各省兵力於八九月間便能滅賊則已若不能滅賊冬令冰合將有防不勝防之患彼時若以黃河歸東軍設守則賊在本境東軍四出追勦勢難兼顧防局若謂委之直隸非特兵力有限不敷調遣現在直境土匪迭發能否卽時撲滅尙難預定東昌武定均與直境毗連土匪尤易潛滋若乘冬防喫緊之時或與捻逆勾結則

畿輔攸關豈可全不顧慮臣曾與李鴻章婉曲函商謂近

年尙無嚴寒惟立春前數十日最關緊要屆時或用礮船
敲冰設法辦理時令之寒暖固難懸揣千里之堅凍恐非
敲擊可以濟事李鴻章奏請防膠防運之時初未與臣商
量及臣得信後始知運河之防本爲蹙賊海隅而設膠防
就緒卽當撤調運河各軍陸續換防進勦其籌度機宜實
爲不易之策臣自當竭力襄助冀就蹙賊之舉豈容苟爲
異同今膠防曠守運河之防非獨無補於事抑恐有礙大
局臣亦何敢緘默不言現在運河已辦而蹙賊海隅之說
勢難再行臣職司守土刻惟有極力追勦至於統籌全局
合無仰懇

天恩飭下李鴻章妥議辦理實於軍事幸甚爲此附片馳

陳伏乞

聖鑒謹

奏

擒竄江境暫駐沂州並北路勦匪摺

同治六年八月初四日

奏爲擒逆竄入江境

臣

軍暫駐沂州俟賊回竄迎勦並陳

近日北路勦匪事宜恭摺仰祈

聖鑒事竊

臣

於七月二十九日已將擒逆勢趨青口

臣督

各軍分路追勦情形馳報在案

臣

於八月初一日督軍向

沂州前進飛飭道員王成謙一軍由沂水一路緊躡賊蹤

跟追初二日

臣

軍馳抵沂州接據王成謙來稟該軍躡賊

力追已於初一日馳抵十字路距江境三十里該逆避兵

疾趨已竄至贛榆青口一帶等語各營探報大略相同現

在提督劉銘傳等均於初三日由沂州南追東省王成謙

一軍前飭令其越境勦擊惟該軍冒雨窮追已十晝夜軍

士飢疲過甚其糧饟子藥因山路難行皆由莒州繞道前進一時尙未趕到旣令出境自應將糧饟軍火備齊庶免前途掣肘是以令其暫駐數日一面視賊所向兼顧該匪折竄東府之路一面催齊軍裝再爲進止查捻逆雖竄入江境不久仍將回竄臣若再督各軍跟追不過一百餘里卽抵江境若徒慕越勦虛名該逆設一回竄必落賊後轉致彼此兩失無濟於事是以暫駐沂州扼該逆回竄西路要隘現擬督同沂州府知府長賡履勘地勢查看該逆如由沂回竄何處可以設伏可以進兵一一審定卽飭各軍預爲布置以待儻該逆回竄必可痛勦如該逆由邳嶧一帶沿運西趨臣亦飭長賡於邳州至沂州一路安設馬撥

連環探報一有賊趨嶧縣消息卽時飛督各軍向臨城驛一帶亦得迎頭攔勦至賊如回竄東府則臣派紮十字路之軍最爲扼要王成謙一軍兵力尙單屆時或當酌撥一軍前往協助臣到沂後詢據長賡面稟幅匪高歸一股經該府擊破後餘匪三十餘名逃竄四散現在沂境均就安靖臣查看情形相符仍面飭該府嚴搜逃匪以期久安連日疊據東昌府知府龔易圖稟報直境匪股經東軍於七月十四日在馬玉堂村擊敗後各營乘勝窮追十六日馬隊先至廣平之平堦集被賊暗伏衝突傷折馬兵十二名二十日華字各營在館陶之市村接仗獲勝並從賊中奪回直軍哨弁邢福盛一員身受數十傷始詢知是日總兵

劉雲鶴追賊至市村猝不及防爲賊所乘以至失利後東軍趕至擊敗各匪始將該弁救回總兵劉雲鶴及各兵勇均不知奔往何處嗣據邱縣查明稟報總兵劉雲鶴等聞已陣亡賊是日被東軍追勦遂狂奔曲周西境又據稟稱此股匪徒實係直東兩省餘匪在直境容城等處結股謀叛其中匪首不一直境匪首楊三一名經直軍陣斬臨清匪首王五一名經東軍陣斬尙有匪首張姓李姓一係南樂人一係下堡寺人又館陶縣知縣鮑瑞駿密獲匪首胡三一名供稱與匪徒約合擬勾聚二三百人起事尙在審究未卽正法現在餘匪僅存二百餘名並不殺掠暗伏村中遇步隊則極力狂奔追之不及遇馬隊緊追則結羣死

關稍不措意多爲所乘直東各軍此勦彼竄是以未易得手臣現飛咨提督傅振邦督帶所部青州兵七百名遊擊郭大勝勇五百名會同龔易圖辦理所有華字營東昌營均歸調度並挑合馬隊二百名馬勇二百名令范縣營守備姚鴻烈管帶亦歸傅振邦調遣一面會同龔易圖嚴防衛河仍會合直軍相機進勦務期殄滅餘孽所有捻逆竄入江境臣軍暫駐沂州及近日北路勦匪事宜恭摺由驛馳奏伏乞

皇太后

皇上聖鑒訓示謹

奏

擒竄邳宿移軍防剿摺

同治六年八月十一日

奏爲擒逆現竄邳宿

臣

軍擬拔赴嶧縣一帶以扼回竄恭

摺仰祈

聖鑒事竊

臣

於本月初四日已將擒逆竄擾贛榆青口

臣

軍暫駐沂州等情馳報在案查道員王成謙一軍經臣派十字路防扼東面初四日晚王成謙探知賊匪分股膺聚沙溝平上一帶與該營相距六十餘里王成謙乘夜在桑家莊設伏抽選精銳擬劫賊營疾馳六十餘里賊股又向東奔竄隨據日照縣稟報該縣境內復見賊蹤查日照與青口贛榆壤地毗連臣恐賊勢復趨重東路王成謙孤軍防扼兵力過單因飭王正起王心安兩軍於初六日拔赴

十字路與王成謙一軍連紮並令其向日照邊境探賊進

擊臣督楊飛熊一軍仍駐沂郡值李鴻章於初八日督師

到沂臣與面商一切是夜探報賊由海贛向西南紛竄臣

因東北已無賊蹤卽飛調王正起王心安兩軍回沂預備

截勦一面飭派楊飛熊一軍於初九日出隊探賊迎勦該

軍疾馳五十里至李家莊僅見賊騎二十餘匹楊飛熊督

隊過河探聞賊股仍由南竄相距甚遠未及見仗隨據郟

城縣知縣李漢稟報是日申刻賊股由海州紛竄該縣東

北鄉並撲近城關適原駐該縣之皖軍參將牛師韓等接

戰甚力該令督飭勇丁策應頗有斬獲賊向西南奔竄疾

走邳宿一路李鴻章於初十日由沂督師馳赴臺莊臣維

賊走邳宿必圖撲密灣一帶渡運若搶渡不遂勢將沿運
北趨由嶧境西竄充濟逆蹤剽疾若待其由邳竄出嶧境
臣軍駐紮沂州勢必又落賊後是以預派楊飛熊一軍於
初十日拔隊進紮蘭陵鎮臣定於十二日親督王正起王
心安兩軍向蘭陵鎮一路繞行進紮一面確探賊情如賊
過臺莊必將由嶧窺伺充濟臣軍卽可在滕鄒一帶迎頭
扼擊如賊仍由邳境回竄沂屬則臣由嶧境回勦亦尙出
賊之前至王成謙一軍臣拔隊後卽令移紮沂州以防東
北一面該逆飄忽靡定此防彼竄前扼旁脫是其慣技臣
惟目下情形移紮嶧境軍勢似較緊湊緣該逆雖入江境
不久定將回竄總宜預定截勦之路庶不致軍行處處落

空於勦事乃能有濟所有捻逆現竄邳宿

臣

軍拔赴嶧境

駐紮情形謹恭摺由驛具陳伏乞

皇太后

皇上聖鑒訓示謹

奏

拏獲濟陽臨邑匪首請獎摺

同治六年八月十一日

再濟陽縣團匪王汶訓係疊次奉

旨飭拏正法之犯同治三年經臣在臬司任內隨同前撫

臣閻敬銘拏獲正法本年五月捻逆竄擾東境濟陽一帶

河防正形喫緊該匪之子王長吉散帖聚衆倡爲聯莊聚

團之事密圖叛亂在距城三十里之俎豆莊私立團局按

畝斂錢經濟陽縣知縣汪昉訪聞會營前往查拏該匪聞

信遠颺隨將匪局折毀詎王長吉始終怙惡復商同臨邑

匪首孫傑剛煽合匪黨三百餘名羣聚縣屬之王家塚大

寺內斂錢取米劫掠馬匹剋期起變逆勢漸張經濟南府

知府蕭培元濟陽縣知縣汪昉及防河副將張得魁等稟

報前來

臣

卽飛飭該府縣及副將張得魁等帶兵密速勦

辦並飭副將莫組紳一體協勦茲據蕭培元等稟稱七月二十六日汪昉確探該匪仍在王家塚大寺未動卽密商張得魁帶隊會勦是日戌刻張得魁帶勇乘夜銜枚疾走至城外汪昉卽會同濟陽汛外委尹畊帶領營兵二十名探明路徑爲該副將前導維時張得魁慮賊有外援商明莫組紳督帶各哨由西南扼截濟南府知府蕭培元亦帶省城防勇二百名同時趕到是時天未全明寺門未啟蕭培元張得魁等督飭營勇先將王家塚四面圍住吹號疾趨大寺該匪一聞號聲倉卒驚起各上牆施放槍礮拒敵張得魁揮軍猛攻各匪拚死撲竄營勇奮力圍勦共殺斃

三百餘名卽於二十七日已刻將賊股全數殄滅一無漏網守備丁正先身受刀傷奮不顧身立將匪首王長吉生擒守備張嘉麟生擒匪首孫傑剛一名汪昉尹畊等亦將散帖聚衆之王曰佑並知情同謀之地方李長秀等卽時擒獲其餘勇丁陣亡受傷共二十餘名王家塚大寺係空地孤利官軍戰鬪三時之久並未傷及附近平民一人王長吉孫傑剛王曰佑李長秀等均經訊明正法梟示等情查東省捻患未靖直境土匪又迭竄臨清館陶一帶河北各州縣時慮有奸匪萌動濟陽縣河防緊要且與省城逼近匪首王長吉乃敢潛謀聚夥至三百餘名之多意圖乘機起變經該府縣及副將張得魁等會合力勦卽時將首

逆全數生擒匪股盡行殲滅辦理妥速隱消肘腋大患不無微勞足錄合無仰懇

天恩俯准將總兵銜副將張得魁請以總兵用生擒首逆之守備丁正先請以都司用並

賞加遊擊銜守備張嘉麟請以都司用生擒匪首之儘先把總濟陽汛外委尹畔請免補把總以千總用並

賞戴藍翎濟南府知府蕭培元請

賞加鹽運使銜同知銜濟陽縣知縣汪昉請以同知直隸州用以示激勸出自

鴻施其餘傷亡兵勇人等由臣分別給銀獎勵爲此附片具奏伏乞

聖鑒訓示謹

奏

利津海口現難疏濬片

同治六年八月十一日

再臣前於六月二十二日准軍機處字寄奉

上諭御史朱學篤奏請飭籌防海口等語著李鴻章丁寶楨酌量情形會商辦理原片著鈔給閱看等因欽此臣等當卽札飭武定府知府張鼎輔督同利津縣知縣及委員等前往詳細查勘稟辦茲據該府稟稱委員乘坐船隻帶領舊有插標船親赴海口周歷履勘逐段丈量查得自鐵門關以下四十里牡蠣口爲舊日海口自黃水出利津口歷年淤積皆成泥灘由牡蠣口正東衝開河身一道直長六十餘里橫寬上游三四里下游五六里不等水深自五六尺至八九尺不等緊接下游落北約十里河海相銜卽

係河門水深七八尺寬十餘里爲大平灣卽近日海船停泊之處口內河身每至伏秋盛漲河面加寬河身卽淤淺至五六尺霜清水落河面較窄河身卽刷深徑丈不等河門每年東北遷徙無定若用船疏濬旣難施工且此疏彼淤辦理亦難得法牡蠣口以下兩邊皆不能接岸度此形勢賊蹤斷難徑渡等語 臣覆查疏濬河淤必須有一定之所方能施工黃河河身遼闊灘淤開出並無定處無淤之處溜勢迅急加以兩邊均係浮泥船隻上下爲難用船疏濬頗難施展且口門遷徙不常河身淤漲無定均係實在情形目前水勢較大白牡蠣口以下兩邊皆不接岸緩急實有可恃至冬令水落口門入海之處較盛漲時稍窄而

水勢匯趨一路其深自必加倍就現時河流查看似可無須疏濬至防務一切臣前派總兵趙三元帶領礮船會同直軍在鐵門關一帶沿河梭巡復飭地方官派撥丁役協團逐段防範以資助守如交冬令仍當隨時留心辦理以紓

宸廑所有查勘利津海口現難疏濬各情形理合附片覆陳伏乞

聖鑒訓示謹

奏

暫駐沂州分兵布紮摺

同治六年八月十九日

奏爲察度現在賊情

臣

仍暫駐沂州分軍布紮恭摺仰祈

聖鑒事竊

臣

於本月十一日曾將賊竄邳宿擬拔赴嶧縣

一帶以扼回竄等情具報在案查邳州與嶧境毗連前據

探報賊竄邳宿誠慮其沿運北趨繞出嶧境

臣

駐沂州相

距一百九十里屆時始行跟追必落賊後是以擬移紮嶧

境以扼之詎十二日五鼓

臣

所派前隊王心安一軍拔營

先發

臣

親督王正起一軍正啟程間接據各路探報該逆

又由邳宿折竄東南沐陽安東一帶有斜撲清江之勢

臣

察度情形賊竄沐陽安東勢盡南趨若復折回西北奔竄

則邳城爲必由之路

臣

此時徑赴嶧境則中隔邳城蘭山

去賊又遠勢機較鬆自應防其由郟宿大道回竄沂郡而分軍駐紮西北一帶乃可前後兼顧且與東路沂水莒日各處照應亦捷臣是以暫緩啟行仍飭總兵楊飛熊扼紮蘭陵另派王心安一軍暫紮卞莊與楊飛熊一軍互相聯絡以顧西北復將王正起一軍調紮郟域扼賊北竄大道道員王成謙一軍卽令隨臣駐紮沂州相機策應現探賊股仍在江境沐宿一帶並竄擾峒崕集以南邊馬擾及唐家店似有回竄蘭郟之勢劉銘傳一軍跟蹤躡追臣嚴飭王正起一軍於郟城預爲戒備如賊回竄該處當可儘力迎勦王心安等三軍就現在分布情形當必有一兩軍可以遇賊冀得一擊至賊如東趨莒日王成謙王正起兩

軍卽可相機先進軍情瞬息百變賊蹤無定臣之行止亦難預定惟有隨時覘賊所向親督各軍妥籌布置務期出賊之前乃可實力痛勦無誤所有察度賊情現仍暫駐沂州並分軍布紮情形恭摺由驛具奏伏乞

皇太后

皇上聖鑒訓示謹

奏

擒竄郟城經勦折竄江境駐沂扼擊摺

同治六年九月初一日

奏爲擒逆繞竄郟城境內經官軍迎勦折竄江境

臣

由卞

莊回駐沂州仍督各軍扼勦恭摺仰祈

聖鑒事竊

臣於八月十九日曾將察度賊情

臣

仍暫駐沂

州分軍布紮扼勦各情形馳報在案二十一日接據各路專探回報該逆大股由江境峒崕集嶂山等處西竄邳州之溝上一帶並見馬步各匪有鳧過沂河者

臣

以該逆旣

竄溝上一帶距卞莊蘭陵兩處不遠均係突奔嶧滕大路與臣所布各軍均可相遇當於卽日督帶親軍一營參將馮義德一營由沂州馳赴卞莊擬親督楊飛熊王心安兩軍在卞莊蘭陵一帶盡力截勦並以賊盡西竄郟城可以

無慮復將王正起一軍飛調由郟城拔隊繼進二十二日
臣行抵卞莊是日亥刻據探該逆又由溝上回竄郟境之
馬頭等處臣卽暫爲停駐是時王正起一軍已過沂西行
抵同義莊臣卽飛飭其仍回渡沂東由李家莊一路迎擊
以顧蘭郟大道二十四日王正起探知該逆大股仍在郟
城迤西之馬頭集姜溝等處城北之二十五里鋪亦見邊
馬卽令參將王學禮帶振字前四營進紮沙墩探明賊蹤
定向以便勦擊二十五日探知賊大股竄及大埠一帶王
正起卽令參將張福興帶振字左四營繼發自帶親兵督
催迅進途中突見馬賊數百名由大路北竄王正起督隊
迎勦該匪卽望風回遁跟追十餘里至申刻追抵馬站集

王正起知賊匪後路必有大股繼至卽在圩外暫息選派精銳暗伏附近各村布置甫定馬賊千餘名突至圩外步賊四五千名由東南西南分進王正起督隊出戰伏兵同時俱出擊斃騎馬悍賊百數十名帶傷脫逃者甚衆步賊見馬賊敗退先卽捨命狂竄時已戌刻我軍卽行收隊三更後王正起以賊去未遠復挑選勇丁數百名飭令暗襲賊營未及深入而該逆全股卽於是晚全向東南贛榆海州沐陽竄逸臣以該逆西趨不得必由江境繞由沂州水淺處圖過沂河北趨當於二十八日回駐沂州飭楊飛熊仍紮蘭陵飭王心安移紮李家莊令與王正起合力堵剿是晚聞沂州東北之下莊一帶突見邊馬臣卽飛調王心

安乘夜由李家莊帶隊來沂與道員王成謙合紮淮備相機迎勦迭據探報該逆全股仍在江境之青口海沐一帶
臣現飭王正起前往郟城迤南二十餘里駐紮相機進勦
遇賊卽擊而令王心安王成謙兩軍仍防沂州及莒日兩路竊
臣於八月二十七日接奉

諭旨飭
臣以分軍出境與清淮防軍互相援應不得畫疆自守強分畛域等因欽此伏讀之下莫名欽悚
臣竊惟目前賊勢但使有機可圖亦何敢強分畛域惟查現在諸軍越境防運就刻下情形而論直以東省爲壑東境雖暫無賊蹤而與江境毗連東西南北周圍不下數百里
臣亟知以勦爲防實爲善策但以勦爲防者須使本境無回顧之

憂乃可以盡力遠勦今各軍坐守河干臣誠不憚越勦但恐一行越勦必將驅之入東比賊入東而臣兵已分又不能合力勦擊是外既不能勦隔境之賊內復不及勦本境之賊失則兩失私心惴惴悚惕不安再四思維惟有分軍扼要布紮固知兵少路多斷難扼賊不入然就所有兵力與賊盤旋冀有一兩處遇賊幸得一戰亦可痛勦似較勝於有越境之名一轉移間賊蹤若由旁路回竄便致處處落後其中得失之機顯然可見此臣所爲躊躇自決而不敢隱飾於

聖主之前者也所有捻逆竄擾郊境經官軍迎勦折竄臣由卞莊回駐沂州仍督軍分紮堵勦各情形恭摺由驛具

奏伏乞

皇太后

皇上聖鑒訓示謹

奏

督師大臣倒置是非請

派重臣查辦摺

同治六年

九月初三日

奏爲督師大臣覆陳膠萊河防墮守情形徇私諉咎倒置是非相應籲懇

天恩簡派重臣來東確查秉公核辦恭摺仰祈

聖鑒事竊

臣

於本月初一日接准軍機處密寄同治六年

八月二十六日奉

上諭李鴻章奏覆陳膠萊河分守汛地繪圖呈覽請將王心安等分別辦理並布置軍情暨籌辦糧米各摺片覽奏均悉膠萊河北路本係潘鼎新認守地段該藩司並未親行踏看丈量地勢續復改防濰河商令東軍移紮北路以

致臨時移調倉卒失事李鴻章屢奉諭旨催赴前敵調度遷延貽誤豈得盡諉咎於東軍王成謙以八營自守而令王心安以四營認守無牆之處又不分隊就近應援實屬畏葸取巧著卽革職留營自効儻再貽誤卽著李鴻章丁寶楨嚴參懲辦王心安前次失守運牆厥罪甚重早應正法此次防守膠萊河又復不能力戰退賊據李鴻章所陳該已革總兵廢弛軍務剋扣餽銀等情更未便再從末減著該大臣仍遵前次密諭斟酌情形妥辦不可稍有宣洩並著丁寶楨慎派幹員豫行接統其眾毋任別生枝節等因欽此跪誦之下莫名欽悚伏思膠萊河防辦理月餘竟致不守李鴻章固有督師之責臣亦忝任專圻於辦賊無

效之罪累蒙

曲宥疚心實甚亦復何顏置辯於

聖主之前冀圖諉咎惟是非不明則人心不服懼不足以
昭軍政而作士氣是以不敢不敬爲我

皇太后

皇上詳細陳之查潘鼎新等首建膠萊河防之議維時

督軍追賊潘鼎新以本省藩司帶兵隨後與

絕不告

臣

以定計防河之事及六月初五日

臣

在平度營

次接到李鴻章覆函內始稱辦理膠防業已奏明欲令東

軍會同辦理潘鼎新亦於是日到平度始與

臣

言之

臣得

信既晚又以既經奏准不容不辦且事關大局當卽應允

其時賊在卽墨勢將由南路竄逸臣以旣辦膠防必將遏

賊東去乃可議辦當卽督帶常武十一營親往膠州攔截

該逆幸卽折竄潘鼎新初議本以東軍專守北路以顧省

垣大道淮軍專守南路以便解送饟銀軍火及臣於六月

十四日督軍馳赴北路辦防行至高密縣之朱陽集忽接

潘鼎新來函已在北路駐守修築隄牆請臣改守南路惟

時各路獲匪訊供皆稱逆計欲往青口圖由南路竄逸潘

鼎新忽然中變臣明知其欲以難事誘之東軍但以軍旅

之事若皆擇便而行豈有成功之日因以十一營回守南

路而賊勢果趨重膠州及沈宏富董鳳高趕到又於分定

地段嫌其太長不接吳家閘十餘里之守惟時賊勢萬分

喫緊臣勉強支持幸將前敵各軍調回卽以補守吳家開一段臣以南北分界各專責成且是時南路岌岌實不暇兼顧北路迨後潘鼎新函稱濰西一路須撥兩三營助守臣卽派王心安四營前往潘鼎新派令守辛安莊三十餘里之地王心安來稟以地段過長兵力不足臣勉其竭力暫顧不日豫軍開軍一到潘鼎新等必另有布置乃宋慶以十二營先到北路仍未分置一營潘鼎新又復來函仍稱濰西空虛請以王成謙十營助之而仍撥王心安四營南回臣見其請兵日益加多先後異詞慮其始則疏於查勘繼則難於自言恐致誤事臣與函言誼切同官有不可解之情卽無不可言之隱北路如有難守別情不妨早說

以便及早預備潘鼎新迄未以實告然是時王永勝開字
一軍計日可到本可俾守北路劉銘傳遣人來言以王永
勝新來未便令其築牆祇可東軍讓出已成之牆俾令接
守以東軍騰出之營協守濰西李鴻章來函亦言開軍與
奇鳳兩軍素相聯絡須東軍抽營協守北路讓以南路防
地查王成謙一軍在南路已兩次築牆若謂王永勝與沈
宏富等素相聯絡不可不讓以現成之牆俾爲一氣則王
成謙亦與楊飛熊等素相聯絡改守北路呼應亦一切不
靈臣明知其矯強惟以師克在和公事緊要不得不委曲
相就函商王成謙遵辦王成謙亦力顧大局以潘鼎新認
守北路淮軍旣各擇便利不肯相顧東軍義無可辭願往

協助乃王永勝於七月初十日到膠又以王成謙所守地段太長不肯接防其時王成謙見南路較鬆北路喫緊亟欲往助乃力勸王永勝換防劉銘傳亦從中調解遲至七月十二日晚始肯接守王成謙深慮北路查勘未清協守必多枝節且已近逼賊氛若心存取巧但因王永勝之不肯接防藉詞不往彼時北路正急稍一耽延賊已突過何必汲汲於十二日換防十三日五鼓卽冒雨北行是其急公赴義之心卽此可以共諒至王成謙臨行時臣切囑以北路地勢必須細查明確以便函致李鴻章籌兵布置王成謙與潘鼎新晤商後欲往丈量潘鼎新因病未及同往始終但言濰西水勢尙深但往高臥河干便可無事王成

謙面商該藩司願與東軍換守新河之防而鼎軍移守水勢較深之地潘鼎新又復未允是潘鼎新於認守地段始則疏忽不查繼則事機已急暗欲以難事諉之他人而又陽避其名其居心險詐已可概見王成謙查明地勢見濰西急須添兵一面稟報李鴻章一面於七月十七日與王心安換防以八營接守三十里之地以兩營守下營六里淺狹無牆之地照李鴻章三里一營奏案所守每營幾及四里若必責令多守亦於實事無益至王心安四營係奏明調回之營且出於潘鼎新之議王成謙與王心安換防本無不合潘鼎新王成謙以南路稍鬆商令王心安助守魚里鋪海神廟一段王心安尙未築牆及其力戰之際王

成謙所守牆外亦見賊騎向來防守之事分定汛地各有責成原難責其分隊救援且王成謙已刻得信卽帶親軍馬步隊四百餘名馳往策應甫出營門遇河之賊業已麇集卽與接仗二時之久該軍亦有傷亡弁勇數十名是王成謙尙無畏蒞之情若欲責以援應則王心安曾向潘鼎新三次告急亦未出隊援救竊查潘鼎新於認守地段始則失於覺察繼則有意含糊終則巧爲推諉致使垂成之局壞於一旦臣原奏中已詳陳其失事之由但未嚴參者以李鴻章總領兵符潘鼎新是其部將主持功罪自有專司乃李鴻章原奏於潘鼎新曲爲寬恕但言賊由海神廟以北搶渡係東軍王心安相近據王成謙稟稱王心安甫

築營牆衆寡不敵似亦實情想丁寶楨必已奏參等語
聖聰在上該逆竄逸本非王心安汛地王心安以二千人
守無牆地段十五里又分出千人血戰海神廟以北營哨
勇丁傷亡至六七百人之多王心安孤軍被陷實有可憫
之情本無可參之罪李鴻章乃以影響狐疑之詞虛爲文
致其用意不過爲潘鼎新開脫地步耳李鴻章過沂時臣
曾與面言一切李鴻章自覺無詞亦且咎潘鼎新之失機
而稱王成謙之詳細不謂其覆奏情形與對臣所言相戾
至此此其不足以服人已爲

聖明所洞見至王心安以二千人守海神廟之地於十九
日到防而賊蹤已集王心安分出千人援顧北路無人之

地其軍士皆互相結髮誓死力戰無一退縮王心安自以四十餘騎三次衝賊僅與一騎同出昌邑士民感其忠義攔拜馬首並爲之葬埋死亡餽送乾糧昇擡傷卒其血戰情形臣到沂州後士民曾有公稟並請其留防登萊等情可憑若非平日治軍素得勇心似未能如此李鴻章謂其廢弛軍務剋扣餉銀臣不知從何聽聞查王心安於管帶之營在運防失事咎無可辭經臣嚴參治罪王心安自問當死迨後渥蒙

天恩予以留營効力聞

命涕泣誓必死報當追勦之時日馳百餘里其厯次接仗皆先以數十騎衝入賊中士皆奮往以此有平度卽墨三

次之勝此皆平卽士民共睹共聞臣前兩次奏報實再三
訪查而後敢入告者也且臣軍自五月十二日倉卒追賊
軍行無定兼以路途阻滯解饟委員艱於運送五六月饟
銀尙未解齊臣在膠州屢次函致潘鼎新令其飭王心安
暫回清算饟銀而王心安及該兵勇等皆以追賊不便帶
銀殊不以領饟爲言經臣在所過州縣提銀隨時接濟或
爲預備乾糧軍士僅能充腹饟銀既不欲領更往何處想
扣東軍章程凡親軍小隊每名月饟止有三兩三錢臣查
王心安自帶親兵二百人每月增銀至五六兩七八兩不
等皆自以薪水公費加添臣又訪詢王心安在東帶勇一
無私積債負頗多此亦人所共知本年正月挖挑沈口河

工經前撫臣閻敬銘飭河員確切估計實需銀四萬數千兩臣以一萬三千五百兩飭令開挖事竣查驗較之原估丈尺寬深有餘臣恐其暗中賠累再三詰問若王心安貪利營私卽多報數千兩亦較原估銀數尙不及半乃始終均以敷用爲詞其不肯藉端侵漁

國帑卽此可見似不至有剋扣之事惟剋扣餽銀事屬曖昧臣恐稽查未周今旣經奏參亦必須澈底確究如王心安實有剋扣之事臣亦應得失察之罪查王心安係前撫臣閻敬銘由陝西帶來之員臣見其在東數年素稱得力其打仗之勇前爲僧格林沁所親見獎許逾於衆人及曾國藩督師濟甯亦稱其爲可用之才閻敬銘亦以此深加

委任臣執法素嚴與王心安毫無私誼果不堪任使臣亦無庸袒護伏讀。

諭旨飭臣派員接統其衆毋任別生枝節自應欽遵辦理但東省向來募軍不過數千去年始加添募以故將才滋少現在各員弁惟副將莫組紳才較開展刻值防守黃河未能遽調且堵剿喫緊之際勇營驟易生手未能得力若欲遽加裁撤非獨費事兼不敷堵剿之用且王心安業經臣於初一日派往沂水查辦匪徒尙未回營刻下沂水匪徒滋事屬實臣親往督辦正在用人之際查王心安自鄂至陝自陝至東轉戰數省身經數百戰臣觀其人實屬樸勇有餘卽就扼守膠萊河之事觀之其始終無僞不避艱

險已可共見伏荷

聖恩於王心安前事之失既已赦之於前當此軍務緊要之時臣深知其奮勇可用不敢不爲

國家愛惜人才仰懇

逾格鴻慈仍准其留營効力暫緩派員接統其衆但期遇賊臣保其必能竭力圖報仍請

迅賜簡派重臣來東確查膠萊地勢詢問士民輿論將臣與王成謙王心安等辦理事件逐一清查如臣所陳有一字欺飾願聽重議如王心安所帶之營

聖明以爲亟須派員接統王心安雖屬武人素明大義決無別生枝節之慮臣謹當將王心安撤換聽候

欽派大員來東秉公審辦並將潘鼎新王成謙等一併撤
省確查於以昭軍政而服人心所有督師大臣覆陳膠萊
河隲守情形徇私諉咎倒置是非懇

恩簡放重臣確查辦理各緣由謹恭摺由驛四百里具奏
伏乞

皇太后

皇上聖鑒訓示謹

奏

沂匪就擒地方肅清摺

同治六年九月初七日

奏爲沂水匪徒謀變全股擊散並擒獲首夥各匪地方現已肅清恭摺仰祈

聖鑒事竊

臣

於九月初三日曾將沂水縣之圈裏地方匪

徒聚衆謀變

臣

督軍馳勦各情附片具報在案

臣

於初一

日訪聞沂水有匪徒謀變之事派已革總兵王心安馳往

會同該縣密速查辦去後初二日亥刻迭接沂水安邱諸

城各稟始悉該匪謀變屬實

臣

以其句結太廣聚衆已多

且捻逆相去不遠若使句合一氣蔓延滋擾爲害非淺深

慮該縣兵勇不敷辦理難以迅期撲滅卽督帶沂州府知

府長廣並王心安所留沂州東治八營前往勦辦初四日

行至沂水縣屬苗家曲地方卽據沂水縣韓光鼎馳赴行營面稟圈裏地方距城百一十里毗連莒州諸城安邱臨朐各境山路叢雜人亦稀少廣長數十里該縣八月三十日聞匪徒聚衆之事當卽稟報請兵速勦旋接到札飭知已派已革總兵王心安帶勇會同查辦卽於初一日會督東里店縣丞馮鳳書典史徐大訓千總宋傳江等各帶兵役巡勇並調集東里團勇前往密查虛實候王心安趕到一同勦辦詎行至中途遇該匪疑有大兵前來勦捕漸多逃散當恐首要各匪一同竄逸卽先行乘夜入山圍勦該匪等不意官軍猝至深黑之中不辨虛實立卽驚駭狂竄當經督飭兵勇擒獲三十餘人搜獲槍斃刀矛多件其

首匪王步雲孫順之等持械拒敵格傷勇役六名經千總宋傳江典史徐大訓奮力揮勇殺斃夥匪十餘名立將王步雲孫順之擒獲餘匪翻山奔逃徐大訓等追出數里因山徑崎嶇深夜難以窮追卽守至黎明搜捕附近各山莊復獲餘匪十四名現在地方已經肅清提訊首匪王步雲據供係安邱縣人孫順之沂水縣人係從前團匪孫子毅之子均從黃崖破後該匪等逃竄在外與私梟高七相結五六月閒捻逆竄擾東府該匪等潛謀起事以諸城劉姓素稱世族卽詐稱爲劉姓募勇保家免人詰問八月二十一日始到圈裏嘯聚因一時附從無多假名招勇便於聚人約計共有七百餘人已到三百餘人餘尙未到齊並先

令夥黨肥城縣人曹現之與捻逆藍旗匪首陳懷中等迭信定期九月初六七日起事與該逆等至鳳凰山會合詎初一日午間黨類中忽驚傳大兵將至私自脫逃至晚僅存一百六十名高七亦於黑夜竄逸並據王步雲供稱該匪句合捻匪不過暫借聲勢其意實欲自合數千人以成一股等語又提訊擒匪周添禮周添祥余勝李之功馮禁楊法等據供係王步雲等派爲頭目幫同募勇領隊及官兵勇役到時該匪等隨同王步雲孫順之力阻各黨類勿逃意在拒敵是以均被擒獲尙有馬肝一名係在奉天爲匪戕官脫逃之犯又高繼祥周添成等十三名均係梟匪其餘劉文東等各犯僉供係聽聞劉姓招勇往投冀領口

分實不知王步雲等誑令謀逆等因臣當卽飭令將首匪王步雲孫順之及匪目周添禮梟匪高繼祥等均卽正法懸首梟示其劉文東各犯再行研訊分別辦理並恐該縣搜查未盡復派知府長賡再行前往督勇沿山搜查以期淨絕並分飭安邱諸城莒州臨朐濰縣昌邑等州縣嚴拏首匪高七並餘匪務獲究辦臣以捻逆紛竄無定該處地方已清卽於初六日督軍回駐沂州查此股匪徒潛逆叛亂並先行勾串捻逆若勦辦稍遲一經起事則裏應外合必成不了之局臣早慮及此是以親行督辦茲該縣知縣韓光鼎一聞該匪有聞兵潛逃之信深恐首匪逃竄卽督隊乘夜勦捕擒斬匪犯數十名並將首匪擒獲辦理甚合

機宜不無微勞足取相應籲懇

天恩量予獎勵所有同知銜直隸州用沂水縣知縣韓光鼎請

賞戴花翎生擒首匪之花翎儘先都司沂水汛千總宋傳江請免補都司以遊擊補用沂水縣典史徐大訓請以主簿用並

賞戴六品頂翎沂水縣縣丞馮鳳書請

賞加五品銜六品軍功李育棠勇目齊秀龍均請以把總拔補以示激勸所有沂水匪徒全數擊散並擒獲首夥各匪地方肅清各緣由理合恭摺具奏伏乞

皇太后

皇上聖鑒訓示謹
奏

捻股西竄派兵截擊摺

同治六年九月十四日

奏爲捻股避兵繞折西竄臣嚴飭各軍迅力跟追並卽親督常武一軍繞由費泗曲阜迎勦恭摺仰祈

聖鑒事竊

臣於本月初六日由沂水督軍王德榜到七

日隊伍始畢渡沂河維時王成謙恐賊偵知沂州各營前進乘勢北竄已派常武五營分扼李家莊相公莊等處臣到沂後以王成謙布置尙妥卽令照前分紮飭令王心安一軍仍紮沂州初九日據分駐大興鎮之海贛通判承齡來沂接見面稟賊竄江境房山羽山一帶距大興鎮五六十里臣正擬派隊進勦於初十日卯刻據各路探報該逆由江境之房山羽山等處向東北竄動邊馬竄距大興鎮

十餘里臣立飭王心安於巳刻拔隊渡河是晚抵重溝集據探賊股徑向北竄前隊已至店頭集距重溝四十里大興鎮西南北皆有賊蹤王心安於十一日三鼓後由重溝拔隊進勦自督馬隊二營先進擬乘夜掩撲詎知我軍出隊其大股已連夜向東折回王心安疾馳至店頭集不見賊蹤復馳三十餘里至巳刻至大興鎮迤南僅見馬賊數百匹立即督隊追逐斃賊數名奪馬十餘匹救出擄去男婦二十餘人該逆全向東南狂竄王心安追出二十餘里一面催調步隊抵鍾吾山暫紮卽探向東南躡追臣初得賊蹤北竄之報卽料該逆必由店頭夏莊一路出李家莊撲竄沂河因飭王心安向東南迎勦密飭王成謙三營在

李家庄設伏以待又以東南賊勢已鬆復飛飭王正起一軍由徐家圩進移馬站冀可橫截賊股詎該逆詭譎異常一見王心安出隊卽折向南竄迨王正起於十一日申刻拔隊行至前林寨忽報郟城迤南又見邊馬王正起以賊已竄東北恐係南來官隊卽自行馳馬回顧確知是賊急令將隊伍紮齊時已向晚該逆愈來愈多約賊騎二千餘匹漸次撲近王正起卽派各營官哨弁親兵分投迎擊而令各勇趕築草牆該逆將馬分爲十餘起旋繞王正起嚴陣以待賊馬更迭來撲擊之則奔相持將及黎明賊忽向西南狂竄王正起拔隊跟追探聞步賊大股乘夜由馬頭迤南竄過沂河馬賊隨後奔渡王正起躡蹤緊追十三日

五鼓由劉港口渡河王心安於十一日探知賊已回竄西南卽於是夜四鼓由鍾吾集拔隊跟追急馳一百餘里十二日申刻進抵泉兒莊知賊全折竄西北卽於二更後拔隊向西北跟進亦於十三日午刻抵馬頭渡河現據探報賊渡沂後直向西竄查其情形似向邳嶧一路竄逸查邳嶧壤地毗連中無阻隔該逆若沿運西竄必走臺莊韓莊徑奔兗曲一路臺莊韓莊現在水勢尙深又有防河各營連絡布列且聞有淮軍跟追賊蹤當不能竄越惟鄒滕一路平行數百里並無一軍情形萬緊臣飛飭王正起王心安合隊緊追並相機疾赴鄒滕一帶截擊以顧腹地至楊飛熊一軍現駐蘭陵若賊由該處經過當可出隊截剿並

可與王正起王心安各軍會合並進臣以賊蹤剽疾得信
後卽於十四日五鼓親督王成謙一軍由費縣泗水間道
急趨計程可省一百六十里冀可出賊之前以期迎勦惟
賊勢變動無定東軍止此兵力現定以王正起王心安楊
飛熊三軍或分或合與賊角逐而以王成謙一軍隨地攔
截庶期遏其蔓延使追勦之兵得以全力搏賊於戰事始
有把握所有捻股避兵繞折西竄臣飭各軍追勦親督常
武一軍繞出費泗以備迎擊各緣由理合恭摺由驛六百
里馳奏伏乞

皇太后

皇上聖鑒訓示謹

奏

擒撲蘭陵迎勦獲勝並派軍截擊摺

同治六年九月二十日

奏爲擒逆大股撲竄蘭陵經吉勝軍迎勦擊退東治振字兩軍遇賊接仗現飭會合力追臣行抵曲阜派軍星馳前赴鄒縣迎頭截勦恭摺仰祈

聖鑒事竊

臣

於本月十四日在費縣行次已將擒逆避兵

繞折西竄

臣

飭軍迅追並親督常武一軍繞由費泗曲阜

迎截各緣由馳報在案十七日據總兵楊飛熊稟稱賊股西竄後十二日晚蘭陵洪山附近一帶已見邊馬正擬探蹤迎勦十三日黎明探知馬步賊約二萬餘麇聚洪山以東魯坊一帶漸向西北動移楊飛熊卽督所部吉勝十營以二成守營各出入成隊伍馳赴洪山依山結陣以待馬

賊萬餘騎分三路來撲勢甚兇猛楊飛熊飭營官蔡正清李培榮等四營迎敵東路楊飛鵬等三營迎敵北路王仕旺等二營迎敵中路自帶親軍一營督隊三路策應各營均用轉珠礮連環轟擊轟斃悍賊百餘人賊騎猛衝略不少沮各營復以長矛夾攻連環槍礮並進亦不停息斃賊約三四百名生擒數十名賊勢不支敗竄洪山以東坊前一帶楊飛熊督隊緊追以賊勢過衆我兵僅以四千人拒敵嚴飭各營不准搶奪馬匹包裹賊卻之後乘勢猛追五六里又有步賊萬餘蜂擁而至楊飛熊以賊勢益衆且戰且退擬收至蘭陵寨旁倚寨拒戰而馬賊忽抄出洪山以南攔住後路遂被馬步賊合圍數重楊飛熊整隊衝突自

辰至未鏖戰四時始退至蘭陵圩旁又在濠外接戰一時
之久哨官楊長華砍傷逆首牛碎子左骹業將就擒羣賊
抵死搶去賊股遂紛紛敗退先後計斃馬步賊一千數百
名參將陳安邦遊擊李培榮均身受重傷三四處遊擊王
世發都司楊長生首先陷陣戰歿計各營勇丁陣亡一百
餘名受傷二百餘名是晚賊股均向坊前魚溝向城等處
奔竄等語嗣據沂州府知府長賡轉據蘭山縣縣丞王大
郁等稟報該軍接戰情形大略相同臣初飭王正起一軍
由馬頭集渡河跟追王心安一軍經臣派往大興鎮逐賊
追賊由東北折竄西南該軍跟蹤折至馬頭繞路較多臣
亦飛飭其過河與王正起合隊追賊十七日據王正起稟

稱該軍渡河整隊急追因賊蹤忽向西南忽向西北十四日五鼓王正起親帶小隊數十名向前確探擬馳赴蘭陵與楊飛熊晤商合擊仍飭幫辦王學禮督隊徐進王正起行至距洪山三四里村落聞賊大股在西泖河北之作字寨王正起恐該軍遇伏立即派隊進擊而王學禮已帶七營渡過西泖河突見馬賊二千餘名由樹叢中衝出各營接戰馬賊稍卻步賊千餘名繼至各營奮力死鬪賊股仍向作字寨奔竄維時該軍尙有三營在西泖河東而東岸亦有馬賊千餘名繞出官軍之後營官張福興等帶兩營回救該逆見河西賊股已敗亦向作字寨奔竄常武營馬隊束治營馬隊均同時趕到合力追勦計斃賊一百數十

名生擒十五名受傷脫逃者約數百名同日接據三心安稟稱該軍於十四日巳刻行至馬兒寨探悉前路二三里尙有尾股馬賊千餘騎盤踞王心安卽督隊馳勦馬賊四面奔突各營齊放槍礮斃賊數十名奪獲洋槍數十件賊股向西狂竄步隊跟追六七里馬隊急追二十餘里暴雨大至旋卽收隊計各營勇丁受傷十七名馬隊營官唐榮貴身受兩傷俟雨勢稍止該軍卽擬於四鼓拔隊進勦等語此十三十四各軍連日進勦之情形也

臣查楊飛熊一軍遇大股馬步賊三萬有餘孤軍鏖勦殺傷過當將得匪擊退實爲奮勇出力王正起王心安遇賊接仗俱係分股賊匪查各軍相距不遠日內計已合隊常武軍馬隊一營

步隊二營前經派在李家莊設伏現均渡沂追勦可與王正起等合勢各軍兵力稍厚日內計有勦事尙未據稟報前來臣於十八日行抵曲阜探報滕縣僅見邊馬竊幸已出賊前必可攔截一勦當於是夜三鼓卽派王成謙督帶所部常武各營及臣親軍一營馳赴鄒縣一路迎勦是否見仗亦尙未有稟到臣現飭楊飛熊等併力追勦攔頭之師止有常武一軍路廣兵單未能處處兼顧祇可隨地隨時儘力布置各省諸軍不下十萬僅合守一河防淮軍現有勦兵與否日內亦無消息臣職司東土東境之賊毫不敢責望於人惟有嚴飭各軍遇賊卽擊力摧兇燄冀可稍全百姓至力戰陣亡之遊擊王世發都司楊長生臨敵捐

軀深堪憫惻相應籲懇

天恩飭部從優議卹以慰忠魂其受傷營官二員應由臣酌量獎勵所有各軍連日勦賊並臣行抵曲阜派軍馳赴鄒縣攔勦各緣由理合恭摺由驛具奏伏乞

皇太后

皇上聖鑒訓示謹

奏

擊散竄東直匪片

同治六年九月二十日

再直隸股匪於九月十二日據德州知州趙新及駐防該處之參將黃兆昇稟稱該匪約有三百餘人多係馬賊已竄至河間府屬等處距該州甚近當飛飭東昌府知府龔易圖速調遊擊郭大勝等營會合勦擊並咨明提督傅振邦就近督勦茲於十四日接據龔易圖稟稱此股匪衆前接直隸總督迭次來函言不過百數十人乃於初十日接據駐紮馬頭村之遊擊王壽朋稟稱探得賊蹤已竄至威縣之河姑廟地方會場搶奪馬匹會已驚散該匪現有三百數十人馬五百餘匹每賊帶空馬二匹赴張路橋一帶奔竄等語該府接報後卽飛咨傅振邦迅調駐紮各路馬

步兵勇會合進勦正分飭閒探報該匪已由臨清大營村
姜家莊一帶竄過衛河適飛調遊擊劉萬清郭大勝等已
帶隊趕至河口當卽督軍跟追探知賊已住歇青水隨於
是夜潛往劫營三更時分馳抵青水該匪正在歇息劉萬
清郭大勝分路進攻各勇齊力吶喊進擊該匪驚起結羣
巷戰拚死抗拒兇悍異常我軍奮力接戰自四更至黎明
共殺斃悍賊九十餘人生擒十四名均帶重傷郭大勝奪
獲器械刀矛二百餘件賊馬一百二匹劉萬清奪獲刀矛
一百餘件賊馬三十六匹餘匪百數十人亦多帶傷捨命
向西南逃竄郭大勝等督隊緊追適姚鴻烈王壽朋等均
各帶隊馳至傅振邦以郭大勝等追勦兩晝夜軍力較疲

暫令休息令姚鴻烈等合力接追十二日追及於冠縣之丈八村地方該匪回馬復戰王壽朋督勇奮擊斃賊多名賊復敗退追壓數里守備李維中帶兵勇三十餘人直前衝殺不料該匪有十數騎由樹林後突出李維中不及防備被傷陣亡受傷兵勇十一人賊復回戰王壽朋等督兵追至復斃匪二十六人該匪仍敗向西南狂竄是夜王壽朋等探知賊在冠縣東南屯裏村歇宿卽於五更督隊分路圍勦該匪經迭次大敗擒斬過多不敢停喘連夜潛逃我軍趕到賊已由冠縣之秤勾灣一帶梟水急竄直隸曲周之南辛莊一帶向西北逃逸傅振邦已督隊越勦三十四等日探聞賊又竄至曲周之侯村各處傅振邦已追

至侯村據探又向西南竄去擬確探追勦等語據傅振邦
來咨相同臣查此股匪徒兩次由直竄入東境均被斬殺
大半其逃竄之匪約不過百餘人似無難迅圖撲滅現已
飛咨傅振邦嚴督各軍越境力勦並咨會直隸各營一體
會辦以期早殲小醜免致蔓延至守備李維中奮勇陣亡
應懇

天恩飭部從優議卹其餘受傷兵勇由臣分別撫恤所有
直匪回竄東軍勦辦獲勝賊復回竄曲周各情形理合附
片具奏伏乞

聖鑒訓示謹

奏

捻股北竄繞出泰安迎截摺

同治六年九月二十七日

奏爲官軍接仗獲勝捻股北竄

臣軍繞出泰安迎截現卽

督軍探蹤進剿恭摺仰祈

聖鑒事竊

臣

於本月二十日已將各軍接仗及

臣

行抵曲

阜派軍馳赴鄒縣截剿等情馳報在案是晚接據王正起稟報該軍於十四日在西泖接仗收隊後探得逆股皆在作字寨附近各莊盤踞王正起卽帶隊分投追擊賊股紛竄奪回村莊三處暴雨之中追出三四里外殺賊百餘名旋卽按隊穩紮十六日雨勢稍止拔隊追賊遇馬隊賊五六百名向西北狂竄王正起挑各營哨馬匹一百三十餘騎向前跟追殺斃馬賊十餘名步賊數十名各營排隊前

進據王心安同日稟報該軍於十四日在馬兒寨接仗後是夜三鼓王心安自帶健勇四百名分投冒雨襲賊五處喊殺賊巢驚亂各勇乘勢大呼該逆自相擊殺殲斃甚多是晚賊蹤退出二十餘里十六日拔隊逐賊小有擒斬維時王正起王心安與楊飛熊會合進追各營連日遇雨蘭陵一帶地瘠人稀三日乏糧勇丁啗生柿以充腹泥淖之中日行八十餘里向鄒滕一帶前進時臣已至曲阜竊喜抄出賊前卽派王成謙督帶所部各營及臣親軍一營平字一營於十九日馳赴鄒縣攔截二十日辰刻探知賊匪邊馬已至距城二十餘里之兩下店王成謙卽將各隊暗伏城南沙河以北林內至巳刻賊馬步大股約四五萬齊

至並挑選精悍結陣而出見我軍過少勢欲併吞王成謙督軍渡過沙河分三路迎勦總兵姚紹修等四營爲中路以參將馮義德一營爲接應參將曹正榜等三營爲東路以都司劉志和一營爲接應參將楊殿邦等兩營爲西路以守備劉培二百人爲接應王成謙自督親軍臨敵調度賊騎數百匹先撲東路曹正榜等揮軍勦擊斃賊三四十名賊卽勒馬回竄王成謙恐有伏匪急令東路一軍不准逐利旋見悍騎四五千匹由東山背後突出見東路無隙可乘卽由中路猛撲維時大股四五萬已麇至山旁姚紹修等四營直前衝殺王成謙飭親軍迭放開花炸礮連發三十餘次約斃賊三四百名該匪繞撲西路楊殿邦等施

放連環槍礮賊又受創悍騎數千由西繞北渡過沙河欲抄出我軍之後劉培以二百人迎勦排列長矛一擁齊進斃賊數十名勇丁傷亡三名王成謙以親軍助之連發開花礮十餘次斃賊約計二三百名鏖戰至申正該逆始全向西路敗竄姚紹修等營緊追十餘里賊以悍騎三四千斷後王成謙督東西兩路繼進復殺賊百餘名向晚收隊是夜又暗襲賊營賊股驚亂向曲阜滋陽各路奔竄是日李允一股約一二萬人由嶧山以東繞竄土旺一帶以軍少之故未及分勦是役也我軍以五千步隊當悍賊四五萬之衆幸先據地勢將士用命實斃悍賊千餘名救出難民二千餘名奪獲偽印一顆生擒二十餘名哨官遊擊尤

朝紳守備趙天成力戰陣亡勇丁傷亡十餘名王成謙跟蹤追勦是日曲阜附近亦有馬賊十數匹或百餘匹旋擾時臣軍皆已派赴鄒縣迎戰隨身並無一兵僅有前調護聖林之兗州兵四百名駐紮關外臣派其出隊追逐馬賊均各逃竄賊股遂由曲阜甯陽邊界繞至大攻口向東北狂奔略不停留王成謙跟蹤馳至曲阜時楊飛熊王正起王心安各軍跟追繼至臣以賊股甚衆我軍分路追逐兵力過薄接仗難於痛快因親督四軍合追又據探報賊於北竄後勢將由泰安竄擾省垣一路臣於二十四日追及甯陽計欲尋探賊蹤由大攻口直進恐驅賊益北省城必受驚而黃防尤爲可慮因由甯陽疾馳夏張繞出泰安以

備攔截詎賊聞我軍繞出北路卽折向東南逃遁旋擾至
新泰一帶臣於二十六日行抵泰安立飭王心安先帶馬
隊二營卽時進躡而令其步隊與楊飛熊王正起各軍俱
爲前隊探蹤緊追臣親督王成謙一軍爲後隊暫駐泰安
一日預防該逆繞道折竄如賊一意南奔臣亦卽日進發
查該逆在江境盤繞四十餘日兇燄頗張視臣五六月追
勦時賊衆幾多至一倍在鄒縣接仗時該逆將開花敵排
列陣前至十一尊之多以馬步五六千人護之連開兩礮
轟擊我軍幸未擊中該逆聲稱接仗不用將留以攻擊圩
寨以利器而爲賊所得殊堪焦灼如臣此次追賊勢必先
顧省垣乃一出賊前賊又折而南趨是非節節有兵不能

日有戰事現在別無他軍臣軍又祇此兵力鄒縣之戰若
臣軍少分一枝則殺賊必更得手乃合則追奔未及分則
力單愧憤交集然必當盡力圖之至王成謙此次接仗力
戰雖殺賊無多然先據地勢以寡擊衆藉挫兇鋒官軍尙
無甚傷損調度有方實堪嘉許遊擊尤朝紳守備趙天成
二員力戰捐軀相應懇

恩交部從優議卹以慰忠魂所有官軍接仗獲勝臣軍繞
出泰安迎截現卽派軍追勦並暫駐泰安防賊繞竄各情
形謹恭摺由驛具奏伏乞

皇太后

皇上聖鑒訓示謹

奏

奏

奏

鄉試展至下屆併科舉行摺

同治六年十月初三日

奏爲東省軍務未竣請將本年鄉試停止展至下屆併科舉行恭摺奏祈

聖鑒事竊照東省本年丁卯科鄉試

臣

前因逆捻東竄各

屬辦理防勦奏請文闈展緩至九十月間武闈展緩至來
年三月間舉行聲明仍隨時察看情形具奏請

旨遵行

臣

原擬九月內東境肅清尙可奏懇於十一月內

舉行文闈鄉試現時已屆十月逆捻尙復回竄軍務方殷
各屬士子或在籍辦團或遷避他鄉勢難來省應試而各
州縣防勦亦正關緊要委難更易調派簾差況省城五方
雜處科場人數倍增稽察難周設有奸宄混迹關繫尤非

奏稿卷三
淺鮮臣體察情形本年斷難舉行鄉試相應據實具奏請
旨將東省本年丁卯科文武鄉試停止展至同治九年庚
午科歸併舉行仍照兩科定額取中以廣

皇仁而昭慎重除分咨禮兵二部外謹會同山東學政臣
趙佑宸合詞恭摺具奏伏乞

皇太后

皇上聖鑒訓示謹

奏

擒竄省垣督師扼勦摺

同治六年十月初七日

奏爲擒逆避兵東竄擾近省垣臣現派軍分路追截並督常武一軍星馳至省擬卽向東扼擊恭摺仰祈

聖鑒事竊

臣

於九月二十六日已將官軍接仗

臣

軍繞出

泰安旋卽飭軍進勦情形馳報在案維時擒逆由鄒縣接仗後避兵愈急猛力北趨聞臣軍由甯陽趨繞泰安賊卽

由新泰折而南下

臣

派王心安由泰安卽時進躡而令楊

飛熊王正起繼進合爲前隊

臣

帶王成謙一軍略駐一日

探賊盡勢南走並未旁趨

臣

卽督軍南下十月初一日馳

至蒙陰之桃墟據前敵探報賊過青駝寺後忽由葛溝一帶折而東趨撲犯沂水並據沂水縣稟報該逆到沂水後

有由穆陵關折而北趨之勢逃出難民亦稱賊意窺伺周村似欲北趨省城一路臣以逆蹤飄忽既繞南而東由東而北臣軍本爲後隊跟追不及臣因卽日折回蒙陰定計還顧省垣以備攔截維時楊飛熊王正起王心安等三軍已由青駝寺跟追而東臣慮該軍等併力尾追如賊聞臣軍既至省垣必將避兵由萊蕪青石關西出則各軍又將落空因嚴飭王正起王心安二軍盡力猛追飛調楊飛熊一軍由青駝寺垛莊原路馳回駐紮萊蕪並諭以賊若由青石關西出我兵卽可據險痛擊若賊相距尙遠我軍卽由青石關向東進剿初五日臣馳抵泰安接省稟報該逆邊馬已至刁莊唐王道一帶並有邊馬已過龍山之信距

省城僅五六十里臣卽派親軍一營及馮義德一營星夜
先回省城臣於初六日早親督常武軍疾馳一百八十餘
里至省查看城圩各處探知賊匪大股尙在虎山泊一帶
距省一百五六十里臣現將隊伍暫紮卽擬進勦現在王
心安王正起兩軍聞已追及尙未據有稟報楊飛熊一軍
一二日內卽可至萊蕪該軍等自九月初十日後盡力馳
逐並無一息之停山路崎嶇糧食尤不易措辦極深焦慮
竊惟逆勢慄悍自過鄒縣曲阜後轉輾折繞計日馳二百
數十里四更卽行二更始歇絕不停滯其避兵如此意不
過以狂竄十餘日必與官軍懸隔絕遠大可肆其搶掠蓄
意狡譎殊不易制如臣由泰安追至桃墟又由桃墟折回

省城一往返間已奔馳八九百里臣前初到泰安時非不

慮及賊之東趨如臣分出萬人駐青石關觀變以便向南

攔扼兵勢極較便捷惟兵力無多賊過蒙陰並不旁竄泗

水一意南下臣自不忍布此迂遠之勢安坐於無賊之地

各軍合併既恐處處落空今分路馳逐但期遇賊卽擊卽

勢孤力單亦不能過爲多慮城圩各處均經署藩司盧定

勳署臬司衛榮光鹽運使錫祉督飭府縣布置嚴密稽查

甚勤頗爲可恃如賊日內擾近城垣當可扼要一戰臣稍

駐一兩日確覘賊向臣不西出臣卽親督王成謙一軍

迎頭進逼以期力擊所有捻逆避兵東竄派軍分路追扼

臣督軍親至省垣卽擬向東扼擊等情恭摺由驛具陳伏

乞

皇太后

皇上聖鑒訓示謹

奏